

HELAIAN PENDEDAHAN PRODUK	ETIQA FAMILY TAKAFUL BERHAD ("Pengendali Takaful/Kami")
Sila baca Helaian Pendedahan Produk ini sebelum anda memutuskan untuk menyertai Dynamic Horizon. Anda juga diminta untuk membaca terma dan syarat amnya.	Dynamic Horizon (Ini adalah produk takaful)
	<Date>

1. Apakah ciri-ciri produk ini?

Dynamic Horizon ialah pelan takaful berkaitan pelaburan tunggal yang menyediakan gabungan perlindungan dan pelaburan. Sijil ini akan matang pada tarikh ulang tahun sijil sebelum hari jadi ke-100 orang yang dilindungi. Apabila sijil matang, nilai akaun sijil akan dibayar.

2. Apakah konsep-konsep asas Syariah yang digunakan?

- Tabarru'**
Pelan ini juga menggunakan konsep Tabarru' (derma) di mana peserta-peserta bersetuju untuk mendermakan atau menyumbangkan sebahagian tertentu dari sumbangan untuk Dana Risiko Peserta (DRP) untuk tujuan saling bantu-membantu dan bantuan kepada peserta-peserta, jika diperlukan
- Wakalah**
Pelan ini juga menggunakan konsep Wakalah (perwakilan), di mana peserta menamakan Kami untuk bertindak bagi pihak peserta untuk melabur dan mengurus Dana Pelaburan Peserta (DPP) dan Dana Risiko Peserta (DRP). Fi Wakalah ditolak daripada sumbangan setiap sijil. Peserta juga bersetuju untuk memberi kuasa kepada Kami untuk mewakili hak-hak, tanggungjawab-tanggungjawab dan kewajipan-kewajipan kami kepada mana-mana pihak ketiga sebagaimana yang Kami fikirkan sesuai untuk tujuan mencapai objektif untuk melabur dan mengurus DPP dan DRP, dengan syarat bahawa, sekiranya ada perwakilan sedemikian, Kami akan bertanggungjawab terhadap semua hak, kewajipan dan tanggungjawab tersebut terhadap peserta.
- Dana Pelaburan Peserta (DPP)**
Sumbangan yang diperuntukkan untuk akaun akan diperuntukkan ke dalam DPP. Sumbangan itu akan diperuntukkan kepada pembelian unit, dibahagikan kepada dana terpilih dan dilaburkan mengikut prinsip Syariah. Sebarang keuntungan pelaburan dari DPP akan ditunjukkan dalam harga unit. Nilai akaun adalah nilai unit dalam DPP.
Caj-caj Tabarru' dan sebarang caj dan fi sijil lain akan di tolak daripada DPP.
- Dana Risiko Peserta (DRP)**
Caj Tabarru' yang ditolak daripada DPP akan dikreditkan kepada DRP. Lebih daripada DRP diperuntukkan untuk peruntukan luar jangka dan akan diagihkan mengikut polisi lebihan yang telah diluluskan oleh jawatankuasa Syariah Kami. 50% daripada sebarang lebihan yang diagihkan akan dikongsi di antara peserta-peserta yang sijilnya masih berkuat kuasa dan tidak membuat sebarang tuntutan dalam tahun kewangan tersebut. Manakala baki 50% lagi akan dibayar kepada Kami kerana mengendalikan dan menguruskan DRP, berasaskan kontrak Ju'alah. Ju'alah adalah kontrak upah yang menentukan asas pengagihan perkongsian lebihan. Amaun yang perlu dibayar kepada peserta akan dilaburkan semula dan terkumpul dalam DPP.

3. Apakah perlindungan / manfaat yang diberikan?

No.	Perlindungan / Manfaat	Huraian Manfaat
1	Kematian	Sekiranya orang yang dilindungi meninggal dunia, jumlah berikut akan dibayar: - RM<initial sum covered> dan sumbangan tambah nilai, tolak amaun pengeluaran separa didarab dengan pengganda jumlah permulaan yang dilindungi; - Nilai akaun pada penilaian berikutnya selepas notis tuntutan diterima; atau - RM5,000; mana-mana yang tertinggi. Sijil ini akan ditamatkan selepas pembayaran manfaat kematian, dan tiada manfaat lain akan dibayar setelah itu. Nota:

		Pengganda jumlah permulaan yang dilindungi adalah bersamaan dengan jumlah permulaan yang dilindungi dibahagi dengan sumbangan tunggal yang dibayar.
3	Hilang Upaya Menyeluruh dan Kekal (HUMK)	Sekiranya orang yang dilindungi mengalami HUMK sebelum hari jadi yang ke-69, jumlah berikut akan dibayar: a) RM<initial sum covered> dan sumbangan tambah nilai, tolak amaun pengeluaran separa didarab dengan pengganda jumlah permulaan yang dilindungi; b) Nilai akaun pada penilaian berikutnya selepas tarikh kelulusan HUMK; atau c) RM5,000; mana-mana yang tertinggi. Sekiranya Jumlah Yang Berisiko agregat melebihi RM2 juta bagi semua sijil dengan Kami, yang melebihi had HUMK, RM2 juta akan dibayar. Jumlah yang dilindungi bagi sijil akan berkurangan sebanyak RM2 juta atau amaun Jumlah Yang Berisiko yang perlu dibayar di bawah sijil ini. Sijil ini akan ditamatkan selepas pembayaran manfaat HUMK sekiranya Jumlah Yang Berisiko telah terpakai sepenuhnya dan tiada manfaat lain akan dibayar setelah itu. Nota: 1) Jumlah Yang Berisiko ialah manfaat yang perlu dibayar, yang melebihi nilai akaun yang perlu dibayar. 2) Pengganda jumlah permulaan yang dilindungi adalah bersamaan dengan jumlah permulaan yang dilindungi dibahagi dengan sumbangan tunggal yang dibayar.
7	Matang	Nilai akaun akan dibayar
8	Serahan	Nilai akaun akan dibayar, tertakluk kepada caj serahan.

Peringatan: Sila baca risalah pemasaran, helaian fakta dana dan ilustrasi pemasaran yang mengandungi maklumat tentang manfaat produk dan objektif-objektif dana pelaburan. Memilih pelan atau dana yang sesuai dengan matlamat kewangan dan profil risiko anda adalah amat penting. PERLINDUNGAN PIDM UNTUK MANFAAT YANG DIBAYAR DARIPADA BAHAGIAN UNIT PRODUK INI ADALAH TERTAKLUK KEPADA SYARAT-SYARAT TERTENTU. Sila rujuk Brosur Sistem Perlindungan Manfaat Takaful dan Insurans PIDM atau hubungi Kami atau PIDM (layari www.pidm.gov.my).

4. Berapakah sumbangan yang perlu saya bayar?

Sumbangan tunggal yang perlu anda bayar ialah RM<Single Contribution>. Tiada sumbangan pembaharuan diperlukan.

Semua caj dan fi (jika berkenaan) akan tertakluk kepada caj-caj atau cukai-cukai yang berkenaan yang ditentukan perlu oleh pihak berkuasa percukaian Malaysia. Adalah penting untuk menyimpan setiap resit yang anda terima sebagai bukti pembayaran sumbangan.

Kami memperuntukkan 95.5% daripada sumbangan yang ditetapkan untuk membeli unit-unit dalam dana berkaitan pelaburan yang anda pilih. Baki 4.5% daripada bahagian yang tidak diperuntukkan (iaitu sumbangan yang dibayar selepas ditolak sumbangan yang diperuntukkan) adalah fi Wakalah yang digunakan untuk menanggung perbelanjaan pengurusan Kami dan komisen kepada pengedar.

5. Apakah fi-fi dan caj-caj yang perlu saya bayar?

a) Tabarru' dan Caj Pentadbiran

Anda perlu membayar caj Tabarru' dan caj pentadbiran yang akan ditolak dari nilai akaun pada setiap bulan. Caj Tabarru' adalah berdasarkan umur dan ia akan meningkat sejajar dengan peningkatan umur anda. Caj Tabarru' adalah untuk perlindungan takaful di bawah sijil ini.

b) Fi Pengurusan Dana

Caj pengurusan dana adalah caj untuk menguruskan dana-dana pelaburan dan akan ditolak pada setiap penilaian. Caj ini akan dikenakan secara pro rata pada setiap penilaian seperti skala yang dinyatakan di bawah.

Dana Yang Dipilih	Peruntukan Pelaburan (% daripada amaun peruntukan)	Fi Pengurusan Dana Tahunan (% daripada Nilai Aset Bersih)
Dana Pendapatan Prima Takaful	<Fund allocation rate>%	1.00%
Dana Syariah Seimbang	<Fund allocation rate>%	1.20%
Dana Ekuiti Prima Takaful	<Fund allocation rate>%	1.50%
Dana Syariah Indeks Ekuiti Global	<Fund allocation rate>%	1.00%
Dana Syariah Sukuk Global	<Fund allocation rate>%	1.00%
Dana Syariah Strategik Ekuiti Global	<Fund allocation rate>%	1.00%

Nota-nota:

- Peruntukan ke dalam mana-mana dana mestilah sekurang-kurangnya 10%, dengan gandaan 1%.
- Jumlah peruntukan mestilah 100%.

c) Fi Pertukaran Dana

Pertukaran adalah tidak terhad dan percuma.

d) Caj Serahan

Sekiranya anda memutuskan untuk menamatkan sijil anda lebih awal semasa tempoh perlindungan, caj serahan di bawah adalah terpakai kepada sumbangan tunggal:

Serahan pada Tahun Sijil	Caj Serahan (Peratus daripada Sumbangan Tunggal)
1 – 6	2.5%

Nota-nota:

- Senarai di atas adalah tidak menyeluruh. Sila rujuk kepada ilustrasi pemasaran atau sijil untuk maklumat terperinci.
- Semua fi dan caj adalah tidak dijamin dan mungkin berlainan pada masa hadapan dengan memberi 3 bulan notis.

6. Apakah terma dan syarat utama yang perlu saya tahu?

- Kepentingan Pendedahan** – Bagi membantu Kami membuat keputusan untuk menerima risiko dan menentukan kadar dan terma sijil anda, anda perlu mendedahkan semua maklumat yang relevan, termasuk keadaan perubatan (jika berkaitan) dan umur, dengan betul. Jika maklumat ini disembunyikan atau didapati tidak tepat, ia akan mengakibatkan kontrak tidak sah, tuntutan tidak dibayar, atau terma dan syarat sijil berubah.
- Nilai Akaun** – Nilai akaun sijil berkaitan pelaburan anda bergantung kepada prestasi dana-dana berkaitan pelaburan yang anda pilih dan tidak dijamin. Potongan unit akaun untuk caj dan fi sijil, adalah sepanjang tempoh sijil, walaupun selepas tempoh membayar sumbangan.
- Pendedahan Risiko** – Harus diingat bahawa sebarang pelaburan mempunyai tahap risiko pelaburan tertentu yang ditanggung sepenuhnya oleh peserta.

- d) Jika kematian atau HUMK berlaku sebelum hari lahir ke-2 orang yang dilindungi, bahagian bayaran Jumlah Yang Berisiko Agregat terhad kepada RM200,000 bagi semua sijil dengan Kami, beserta nilai akaun pada penilaian berikutnya selepas notis tuntutan atau tarikh kelulusan HUMK, ditambah dengan peratusan lebih dari RM200,000 berikut:

Umur pada Kematian atau HUMK	Peratusan Lebih Jumlah Yang Berisiko Agregat
Sebelum hari jadi pertama	25%
Dari hari jadi pertama dan sebelum hari jadi ke-2	50%

- e) Untuk mengelak sijil daripada luput, anda mungkin diminta untuk menambah nilai sumbangan pada masa hadapan jika terdapat semakan caj Tabarru' yang akan menyusutkan nilai akaun dengan lebih cepat, atau jika nilai akaun tidak mencukupi untuk menampung caj dan fi sijil sepanjang tempoh sijil.
- f) Sebarang sumbangan tambah nilai akan meningkatkan jumlah yang dilindungi bersamaan dengan jumlah yang sama, sementara pengeluaran separa akan mengurangkan jumlah yang dilindungi bersamaan dengan jumlah pengeluaran separa didarab dengan pengganda jumlah permulaan yang dilindungi, tertakluk kepada jumlah yang dilindungi minimum RM5,000.
- g) Tempoh Percuma – Anda boleh membatalkan sijil dengan memberi arahan bertulis kepada Kami dalam tempoh 15 hari selepas sijil diterima oleh anda, atas apa jua sebab. Kami akan membatalkan sijil dan mengembalikan jumlah sumbangan yang tidak diperuntukkan, nilai akaun dana pelaburan mengikut harga unit pada penilaian yang berikutnya, caj Tabarru' dan sebarang caj pentadbiran sijil yang telah ditolak. Jumlah yang dikembalikan akan ditolak sebarang kos perubatan yang ditanggung. Sila ambil perhatian bahawa untuk tujuan menentukan tempoh 15 hari, sijil ini akan dianggap sebagai telah dikembalikan kepada Kami pada tarikh Kami menerima sijil ini jika dihantar sendiri atau pada tarikh penghantaran pos jika sijil ini dihantar kepada Kami melalui pos berdaftar, atau pada tarikh transmisi jika sijil ini dihantar secara elektronik.
- h) Sekiranya peserta adalah orang yang dilindungi, peserta bagi sijil tersebut boleh melantik seseorang dan menyerahkan hak pemilikan sijil kepada individu tersebut. Penyerahan hak mestilah didaftarkan bersama Kami, dengan memberikan notis bertulis kepada Kami pada bila-bila masa selepas sijil dikeluarkan.

Nota: Senarai ini adalah tidak menyeluruh. Sila rujuk pada sijil untuk terma dan syarat yang menyeluruh.

7. Apakah pengecualian utama dibawah sijil ini?

- a) Bagi kematian secara langsung atau tidak langsung disebabkan bunuh diri ketika siuman dalam tempoh 1 tahun dari tarikh dikeluarkan sijil, atau AIDS, atau kompleks berkaitan AIDS atau jangkitan HIV kecuali disebabkan oleh pemindahan darah, liabiliti Kami adalah terhad kepada membayar sumbangan yang tidak diperuntukkan dan nilai akaun pada penilaian berikutnya setelah notis tuntutan. Jika orang yang dilindungi membunuh diri selepas 1 tahun dari tarikh dikeluarkan, atau ketika tidak siuman, kami akan membayar manfaat kematian.
- b) Tiada manfaat akan dibayar jika kejadian HUMK atau HUMK yang berkaitan dengan, atau kesan daripada apa-apa kecederaan atau penyakit, berlaku sebelum tarikh dikeluarkan. Polisi ini juga tidak akan melindungi HUMK yang berlaku secara langsung atau tidak langsung disebabkan oleh:
- Kecederaan diri yang disengajakan atau cubaan membunuh diri, ketika siuman;
 - Penyertaan di dalam apa-apa perbuatan jenayah atau menyalahi undang-undang, mogok, rusuhan, keganasan atau kekecohan awam;
 - Penglibatan dalam apa-apa sukan atau aktiviti berbahaya seperti (tetapi tidak terhad kepada) menunggang kuda, sukan air (kecuali kapal layar yang tidak bermotor dan berenang), memburu, perlumbaan (kecuali perlumbaan jalan kaki), mendaki gunung, meneroka atau kembara gua, dan sukan musim sejuk;
 - Penyertaan dalam sebarang bentuk penerbangan (kecuali sebagai penumpang yang membayar tambang atau anak kapal pada laluan tetap yang dikendalikan oleh sistem penerbangan komersial), atau sukan udara seperti (tetapi tidak terhad kepada) terjun udara, payung terjun, terjun bungee, luncur udara dan belon;
 - Perang (sama ada diisytiharkan atau tidak), revolusi, serangan oleh negara-negara asing, atau pencerobohan;
 - Penggunaan alkohol, ubat-ubat atau narkotik tanpa preskripsi atau yang menyalahi undang-undang;
 - Provokasi fizikal dan ganas oleh orang yang dilindungi, yang membawa kepada tindak balas yang menyebabkan kematian atau kecederaan;
 - Penyedutan racun, gas atau wasap, yang diambil sama ada secara sukarela atau tidak;
 - Pencemaran radioaktif yang berpunca daripada bahan api, senjata, bahan buangan atau pemprosesan;
 - Virus Kurang Daya Tahan Penyakit Manusia (HIV) atau Sindrom Kurang Daya Tahan Penyakit (AIDS); atau
 - Kedadaan sedia ada.

Nota: Senarai ini adalah tidak menyeluruh. Sila rujuk pada sijil untuk pengecualian yang menyeluruh.

8. Bolehkah saya membatalkan sijil ini?

Penyertaan dalam pelan berkaitan pelaburan dengan sumbangan tunggal adalah satu komitmen kewangan jangka panjang. Adalah tidak dinasihatkan untuk menyimpan sijil ini untuk tempoh yang singkat memandangkan kos permulaan yang tinggi. Sekiranya anda mendapati bahawa dana yang anda pilih tidak lagi sesuai, anda diberi kelonggaran untuk bertukar ke atau

mencampurkan dana-dana lain yang terdapat di bawah pelan ini pada bila-bila masa untuk mengambil peluang dalam pasaran pelaburan.

Nilai serahan (jika ada) adalah tidak dijamin dan bergantung kepada prestasi dana berkaitan pelaburan yang anda pilih. Sila pertimbangkan dengan sewajarnya sebelum anda membuat serahan kerana nilai serahan mungkin kurang daripada sumbangan yang telah dibayar.

9. Apakah yang perlu saya lakukan sekiranya terdapat perubahan kepada butir-butir peribadi saya

Adalah penting untuk anda memaklumkan kepada Kami segala perubahan kepada butir-butir peribadi anda (termasuk penama dan/atau pemegang amanah) supaya Kami boleh menghubungi anda tepat pada waktunya. Sila e-melkan kepada info@etiqa.com.my, atau hubungi Etiqa Oneline ditalian 1300-13-8888.

10. Dimanakah saya boleh memperoleh maklumat lanjut?

Jika anda ada sebarang pertanyaan, sila hubungi Perkhidmatan Pelanggan Kumpulan Maybank di talian 1300-88-6688, atau anda boleh tulis kepada Etiqa Family Takaful Berhad (199301011506), Dataran Maybank, No 1 Jalan Maarof, 59000 Kuala Lumpur, atau dengan menelefon Etiqa Oneline di 1300-13-8888, atau e-mel ke Etiqa Family Takaful Berhad di info@etiqa.com.my, atau kunjungi www.etiqa.com.my. Etiqa Family Takaful Berhad dilesenkan di bawah Akta Perkhidmatan Kewangan Islam 2013 dan dikawal selia oleh Bank Negara Malaysia.

11. Lain-lain perlindungan serupa yang ada.

Sila rujuk kepada pengedar Kami untuk jenis-jenis perlindungan serupa yang sedia ada.

NOTA PENTING:

PRODUK INI MERUPAKAN PRODUK TAKAFUL YANG BERKAITAN DENGAN PRESTASI ASET-ASET DASARNYA, DAN IA BUKANLAH PRODUK PELABURAN SEMATA-MATA SEPERTI UNIT AMANAH. ANDA HARUS MEMPERTIMBANGKAN PILIHAN-PILIHAN ANDA DENGAN TELITI DAN MEMASTIKAN BAHAWA PELAN TAKAFUL KELUARGA BERKAITAN PELABURAN YANG DIPILIH MENEPATI PILIHAN RISIKO ANDA, DAN ANDA MAMPU MEMBAYAR SUMBANGANNYA SEPANJANG TEMPOH SIJIL INI. UNTUK MENINGKATKAN NILAI PELABURAN PADA BILA-BILA MASA, ANDA DINASIHATKAN SUPAYA MEMBAYAR SUMBANGAN TAMBAHAN SEBAGAI "TAMBAH NILAI". PULANGAN KE ATAS DANA BERKAITAN PELABURAN ADALAH TIDAK DIJAMIN.

Maklumat yang disediakan dalam helaian pendedahan produk ini sah pada [<issue date>](#).